



შპს "საქართველოს ნავთობისა და გაზის კორპორაცია"

ნავთობის გადაზიდვის მომსახურების შესყიდვა

სარჩევი

1. საკვალიფიკაციო მოთხოვნები

- 1.1. დაფინანსების წყარო
- 1.2. საკვალიფიკაციო მონაცემების დამადასტურებელი დოკუმენტები
- 1.3. მომსახურების გაწევის ვადა და ადგილი
- 1.4. წინადადებების მიღების დაწყება და დასრულება
- 1.5. შესყიდვის ობიექტის სავარაუდო ღირებულება
- 1.6. წინადადებით წარმოდგენილი ფასის კლების ბიჯის ოდენობა

2. ტექნიკური პირობები (ტექნიკური დავალება)

3. სახელმწიფო შესყიდვების შესახებ ხელშეკრულების პროექტი

4. აფიდავიტის საილუსტრაციო ფორმა

1.1. დაფინანსების წყარო

შპს "საქართველოს ნავთობისა და გაზის კორპორაციის" საკუთარი შემოსავლები.

1.2. საკვალიფიკაციო მონაცემების დამადასტურებელი დოკუმენტები

ტენდერში მონაწილეობის მისაღებად პრეტენდენტმა შემსყიდველს უნდა წარუდგინოს შემდეგი დოკუმენტაცია:

იურიდიული პირებისათვის:

- ა) ცნობას საგადასახადო სამსახურიდან, რომ მის მიმართ არ ხორციელდება რეორგანიზაცია ან ლიკვიდაცია;
- ბ) ცნობას სასამართლოდან, რომ მის მიმართ არ მიმდინარეობს გადახდისუუნარობის ან რეაბილიტაციის საქმე;
- გ) ცნობას საჯარო რეესტრის ეროვნული სააგენტოდან, რომ პრეტენდენტის ქონებაზე არ არსებობს საჯაროსამართლებრივი შეზღუდვა;
- დ) ამონაწერი სამეწარმეო რეესტრიდან;

ფიზიკური პირებისათვის:

- ა) ცნობას სასამართლოდან, რომ სასამართლოს მიერ მას მთლიანად ან ნაწილობრივ არ აქვს შეზღუდული ქმედუნარიანობა;
- ბ) ცნობას შინაგან საქმეთა სამინისტროდან, რომ შესყიდვის დაწყების მომენტისათვის მის მიმართ არ ხორციელდება სისხლის სამართლებრივი დევნა;
- გ) ამონაწერი სამეწარმეო რეესტრიდან (თუ ფიზიკური პირი ინდივიდუალური მეწარმეა);

როგორც ფიზიკური, ასევე იურიდიული პირებისათვის:

- ა) ცნობას, საგადასახადო ორგანოდან, ბიუჯეტის მიმართ სახელმწიფო ბიუჯეტის წინაშე დავალიანების არქონის შესახებ (ცნობა წარმოდგენილი უნდა იქნეს საქართველოს ფინანსთა სამინისტროს შემოსავლების სამსახურიდან);
- ბ) პრეტენდენტის დასახელებას, იურიდიულ მისამართს, ტელეფონს/ფაქსს, საბანკო რეკვიზიტებს, ხელმძღვანელის სახელს, გვარს.
- გ) ინფორმაციას ანალოგიური საქმიანობის შესახებ ბოლო 3 წლის განმავლობაში, დამკვეთისა და მოცულობების მიხედვით.

შენიშვნა: არარეზიდენტმა ფიზიკურმა და იურიდიულმა პირებმა უნდა წარმოადგინონ თავიანთი ქვეყნის შესაბამისად უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

1.3. მომსახურების გაწევის ვადა და ადგილი

ხელშეკრულების გაფორმებიდან 2011 წლის განმავლობაში, ეტაპობრივად შემსყიდველის მოთხოვნის შესაბამისად.

იხილეთ ტექნიკური პირობები

1.4. წინადადებების მიღების დაწყება და დასრულება

წინადადების მიღება დაიწყება 2011 წლის 18 იანვარს 00:00 საათიდან.

წინადადებების მიღება დასრულდება 2011 წლის 20 იანვარს 16:00 საათზე.

1.5. შესყიდვის ობიექტის სავარაუდო ღირებულება:

მომსახურების სავარაუდო ღირებულებაა 160 000 ლარი, დღგ-ს ჩათვლით.

1.6. წინადადებით წარმოდგენილი ფასის კლების ბიჯის ოდენობა:

1600 ლარი

შენიშვნა: შემოთავაზება ძალაში უნდა იყოს 30 დღის განმავლობაში.

2. ტექნიკური პირობები (ტექნიკური დავალება)

ნავთობის რეზერვუარებიდან ავტოსატრანსპორტო (ავტოცისტერნები) საშუალებებით მოახდინოს ტვირთის გადაზიდვა ვაზიანის რკინიგზის სადგურის ჩიხში და ჩატვირთოს ვაგონ-ცისტერნებში

ნავთობის გადაზიდვის მარშრუტები და წლიური გადაზიდვის სავარაუდო მოცულობები:

1. სამგორის სათაო ნაგებობაზე არსებული რეზერვუარებიდან (მდებარეობს სოფელ სართიჭალაში) სოფელ ვაზიანში მდებარე რკინიგზის ჩიხში. – მანძილი სათაო ნაგებობიდან ჩიხამდე არაუმეტეს 12.5 კმ. წლიური სავარაუდო გადასაზიდი რაოდენობა 15 000 (თხუთმეტი ათასი) ტონა.
2. თელეთის №1 სარეწზე არსებული რეზერვუარებიდან (მდებარეობს სოფელ გამარჯვებაში) სოფელ ვაზიანში მდებარე რკინიგზის ჩიხში. – მანძილი თელეთის №1 სარეწიდან ჩიხამდე არაუმეტეს 6.5 კმ. წლიური სავარაუდო გადასაზიდი რაოდენობა 1 000 (ერთი ათასი) ტონა.

გადაზიდვა მოხდება ეტაპობრივად, შემსყიდველის მოთხოვნის შესაბამისად.

ცალკეული მოთხოვნის ფარგლებში, ერთ ეტაპზე გადასაზიდი ნავთობის საერთო სავარაუდო რაოდენობა და ვადები დადგინდება შემსყიდველის მიერ.

გადაზიდვა უნდა მოხდეს მოქმედი სტანდარტების მიხედვით დაშვებული ტევადობის და გამართული (დამადასტურებელი საბუთის მქონე) ავტოსატრანსპორტო და გადამქაჩი საშუალებებით.

ავტოცისტერნის დამცლელი ონკანისა და გადამქაჩის დიამეტრი უნდა იყოს არანაკლებ 100 მმ. რათა მოხდეს მისი შეუფერხებელი მიერთება რკინიგზის ჩიხში არსებული სტაციონალურ სატუმბ მოწყობილობასთან.

ავტოსატრანსპორტი უნდა იყოს დაზღვეული, რაც უნდა ითვალისწინებდეს უბედური შემთხვევის დადგომისას მიმწოდებელის მიერ, როგორც შემსყიდველისადმი მიყენებული ზარალის, ასევე მესამე პირისათვის მიყენებული და ეკოლოგიური ზარალის ანაზღაურებას. ამავდროულად მიმწოდებელმა უნდა უზრუნველყოს გადასაზიდი საქონლის დაზღვევა შპს “საქართველოს ნავთობის და გაზის კორპორაციის” სასარგებლოდ.

მიმწოდებელმა მობილიზება და გადაზიდვის დაწყება უნდა უზრუნველყოს შემსყიდველის მოთხოვნიდან არაუგვიანეს 3 (სამი) დღისა.

“მიმწოდებელმა” ყოველი გადაზიდვის ეტაპის განმავლობაში, ყოველდღიურად ტვირთის გადასაზიდად, მობილიზება უნდა გაუკეთოს ავტოსატრანსპორტო (ავტოცისტერნა) და გადამქაჩ საშუალებებს შემდეგი პარამეტრებით:

1. მობილიზებული ავტოსატრანსპორტო (ავტოცისტერნა) საშუალებების ცისტერნების საერთო მოცულობა უნდა შეადგენდეს მინიმუმ 250მ³-ს, რომლითაც უნდა მოახდინონ 1 100 მ ნავთობის გადაზიდვა მაქსიმუმ 10 საათის განმავლობაში ყოველი სამუშაო დღისათვის და ავტოცისტერნები დაკალიბრებული უნდა იყოს სსიპ “სტანდარტიზაციის ტექნიკური რეგულირებისა და მეტროლოგიის ეროვნული სააგენტოს” მიერ.
2. მობილიზებული გადამქაჩების რაოდენობა უნდა შეადგენდეს მინიმუმ 3 ერთეულს.

შენიშვნა:

ტენდერში მონაწილე ორგანიზაციამ ტექნიკურ დოკუმენტაციაში უნდა მიუთითოს ინფორმაცია ტექნიკური შესაძლებლობების შესახებ, (მობილიზებული ტექნიკის ჩამონათვალი, ტექნიკური მდგომარეობისა და საკუთრების მითითებით, მობილიზებული ტექნიკის ტექნიკური მონაცემები და ა.შ.)

ხელშეკრულება № _____

ქ. თბილისი

_____ 2011 წ.

ერთის მხრივ, შპს “საქართველოს ნავთობისა და გაზის კორპორაცია” (შემდეგ – “შემსყიდველი”), წარმოდგენილი დირექტორის ფინანსურ საკითხებში, ალექსანდრე საკანდელიძის მიერ, რომელიც მოქმედებს შპს “საქართველოს ნავთობისა და გაზის კორპორაციის” გენერალური დირექტორის – ზურაბ ჯანჯღავას მიერ 2010 წლის 17 ივლისის გაცემული და ნოტარიუს ნაწი სიდამონიძის მიერ დამოწმებული მინდობილობის საფუძველზე (სანოტარო მოქმედების რეგისტრაციის #090304937) და მეორეს მხრივ _____ მიერ, ვდებთ ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების თანახმად მიმწოდებელი უზრუნველყოფს შემსყიდველის კუთვნილი, 1000 ტონა ნედლი ნავთობის გადაზიდვას თელეთის სათაო ნაგებობიდან (სოფ. გამარჯვება) ვაზიანის რკინიგზის ჩიხში და ვაგონ-ცისტერნებში ჩატვირთვას, ასევე 15000 ტონა ნედლი ნავთობის გადაზიდვას პირველადი დამუშავების სამსახურიდან (სოფ. სართიჭალა) ვაზიანის რკინიგზის ჩიხში და ვაგონ-ცისტერნებში ჩატვირთვას შემსყიდველის მოთხოვნის შესაბამისად (შემდეგომში – მომსახურება).

2. მომსახურების გაწევის პირობები

2.1. მიმწოდებელი ვალდებულია:

2.1.1. ხელშეკრულების მოქმედების ვადის განმავლობაში ავტოსატრანსპორტო საშუალებებით გადაზიდოს შემსყიდველის კუთვნილი, 1000 ტონა ნედლი ნავთობი თელეთის სათაო ნაგებობიდან (სოფ. გამარჯვება) ვაზიანის რკინიგზის ჩიხში და ვაგონ-ცისტერნებში ჩატვირთოს, ასევე 15000 ტონა ნედლი ნავთობი პირველადი დამუშავების სამსახურიდან (სოფ. სართიჭალა) ვაზიანის რკინიგზის ჩიხში და ვაგონ-ცისტერნებში ჩატვირთოს (შემდეგომში - მომსახურება);

2.2. ტვირთის გადაზიდვა განახორციელოს ტექნიკურად გამართული ავტოსატრანსპორტო საშუალებებით და კანონმდებლობით დადგენილი ნორმების დაცვით;

2.2.1. მომსახურების გაწევის დროს, ყოველდღიურად ტვირთის გადასაზიდად მობილიზება გაუკეთოს ავტოსატრანსპორტო საშუალებების (ავტოცისტერნის) იმ რაოდენობას, რომელთა ნავთობის ავზების (ცისტერნების) ჯამური მოცულობა შეადგენს მინიმუმ 250 (ორასორმოცდაათი) მ3-ს, რომელიც დაკალიბრებული უნდა იყოს სსიპ სტანდარტიზაციის ტექნიკური რეგლამენტებისა და მეტროლოგიის ეროვნული სააგენტოს მიერ და უნდა გააჩნდეს შესაბამისი მოქმედი პასპორტი. ასევე ვაზიანის ჩიხში ავტოცისტერნებიდან ვაგონცისტერნებში ნავთობის გადასატანად უზრუნველყოს მინიმუმ 3 (სამი) გადამქაჩი აგრეგატის მობილიზება.

2.2.2. განახორციელოს გადაზიდვა კვალიფიციური და შესაბამისი გამოცდილების მქონე მუშახელის მეშვეობით;

2.2.3. უზრუნველყოს საქართველოს კანონმდებლობის და სტანდარტების მოთხოვნების (საქართველოში მიღებული ან აღიარებული) შესაბამისად ტვირთის გადაზიდვა, აზომვა, ბუნებრივი და ტექნიკური ზღვრული დანაკარგების გამომანგარიშება.

2.3. შემსყიდველი ვალდებულია:

2.3.1. დროულად გადაუხადოს მიმწოდებელს მის მიერ განხორციელებული გადაზიდვისათვის ამ ხელშეკრულებით განსაზღვრული საზღაური;

2.3.2. შემსყიდველი ვალდებულია უზრუნველყოს გადასაზიდ ნავთობზე კანონმდებლობით გათვალისწინებული აუცილებელი თანმხლები დოკუმენტაციის გაფორმება.

3. დაზღვევა

3.1. მიმწოდებელი ვალდებულია სრული მოცულობით დააზღვიოს პასუხისმგებლობა მესამე პირების მიმართ ჯანმრთელობისათვის მიყენებული ზიანის, მატერიალური ზიანის და ეკოლოგიური ზიანის შემთხვევაში;

3.2. მიმწოდებელი ვალდებულია შემსყიდველის სასარგებლოდ დააზღვიოს ტვირთი;

4. მომსახურების გაწევის წესი, მიღება-ჩაბარების წესი და ანგარიშსწორება

4.1. ტვირთის საერთო რაოდენობის დადგენა ხდება ავტოსატრანსპორტო საშუალებებიდან ვაზიანის რკინიგზის ჩიხში მიწოდებულ ვაგონ-ცისტერნებში ნავთობის ჩატვირთვის შემდეგ, დამოუკიდებელი ექსპერტის მიერ განხორციელებული აზომვის საფუძველზე, გაცემული სერთიფიკატის მიხედვით, რომელსაც ხელს აწერენ მხარეთა უფლებამოსილი წარმომადგენლები.

4.2. მომსახურების დასრულებისას მხარეებს შორის ფორმდება მიღება-ჩაბარების აქტი, რომელიც სხვა მონაცემებთან ერთად უნდა შეიცავდეს:

4.2.1. თელეთის სათაო ნაგებობის და ნავთობის პირველადი დამუშავების სამსახურის რეზერვუარებიდან ავტოსატრანსპორტო საშუალებებში ჩატვირთული ტვირთის ოდენობას;

4.2.2. ავტოსატრანსპორტო საშუალებებიდან ვაგონ-ცისტერნებში გადატვირთული ტვირთის ოდენობას;

4.2.3. მხარეების უფლებამოსილი პირების ვინაობას (თანამდებობა, სახელი, გვარი) და ხელმოწერას;

4.2.4. გადაზიდვის დაწყებისა და დასრულების თარიღს.

4.2.5. მიღება-ჩაბარების აქტს მიმწოდებლის მხრიდან ხელს აწერს _____ (პირადობის მოწმობის ასლი ხელშეკრულებას თან ერთვის).

4.2.6. მიღება-ჩაბარების აქტს შემსყიდველის მხრიდან ხელს აწერს _____ (პირადობის მოწმობის ასლები და რწმუნებულებები ხელშეკრულებას თან ერთვის).

4.3. გადაზიდული ტვირთის საბოლოო რაოდენობა დაითვლება ერთეულში – მეტრიკული ტონა.

4.4. მიმწოდებელი შემსყიდველს მომსახურებას გაუწევს 2011 წლის განმავლობაში.

4.5. წინამდებარე ხელშეკრულებით განსაზღვრული მომსახურების საერთო სავარაუდო ღირებულება შედგენს _____ ლარს დღგ-ს ჩათვლით და მისი მნიშვნელობა დაზუსტდება ფაქტიურად გაწეული მომსახურების შესაბამისად შემდეგი პირობის დაცვით:

4.5.1. 1 ტონა ნავთობის გადაზიდვის და ვაგონ-ცისტერნებში ჩატვირთვის ღირებულება თელეთის სათაო ნაგებობიდან (სოფ. გამარჯვება) ვაზიანის რკინიგზის ჩიხში შეადგენს _____ ლარს. აღნიშნულ თანხაში შესულია საქართველოს კანონმდებლობით გათვალისწინებული ყველა გადასახადი და გადასახდელი.

4.5.2. ნავთობის პირველადი დამუშავების სამსახურიდან (სოფ. სართიჭალა) ვაზიანის რკინიგზის ჩიხში შეადგენს _____ ლარს (აღნიშნულ თანხაში შესულია საქართველოს კანონმდებლობით გათვალისწინებული ყველა გადასახადი და გადასახდელი).

4.6. ანგარიშსწორების განსახორციელებლად “მიმწოდებელმა” უნდა წარმოადგინოს შემდეგი დოკუმენტები:

ა) საგადასახადო ანგარიშ-ფაქტურა;

ბ) მიღება-ჩაბარების აქტი.

4.7. ანგარიშსწორება მიმწოდებელთან წარმოებს უნაღდო ანგარიშსწორების ფორმით წინამდებარე ხელშეკრულების 4.6. პუნქტში გათვალისწინებული დოკუმენტაციის სრულად წარმოდგენიდან 10 (ათი) სამუშაო დღის ვადაში.

5. გარანტია, პასუხისმგებლობა და ხელშეკრულების პირობების შეუსრულებლობა

5.1. „მიმწოდებელი“ იძლევა გარანტიას, რომ მის მიერ გაწეულ მომსახურებას არ გააჩნია რაიმე ნაკლი/დეფექტი. წინააღმდეგ შემთხვევაში მიმწოდებელი ვალდებულია საკუთარი ხარჯით აღმოფხვრას

არსებული ნაკლი/დეფექტი. გაწეული მომსახურების ნაკლთან/დეფექტთან, ასევე ხარისხთან დაკავშირებით შემსყიდველისთვის ან ნებისმიერი მესამე პირისათვის მიყენებული ზიანის ანაზღაურება ეკისრება მიმწოდებელს.

5.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას მოქმედი კანონმდებლობით დადგენილი წესით.

5.3. მომსახურების გაწევის შედეგად შემსყიდველისთვის ან მისი თანამშრომლებისთვის მიყენებული ნებისმიერი ზიანის ანაზღაურება ეკისრება მიმწოდებელს.

5.4. მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ მოითხოვოს ხელშეკრულებიდან გასვლა.

5.5. შემსყიდველის მიერ ამ ხელშეკრულებით გათვალისწინებული ფინანსური ვალდებულებების შეუსრულებლობისათვის ან არაჯეროვნად შესრულებისათვის, შემსყიდველი მიმწოდებელს პირგასამტეხლოს სახით ყოველ ვადაგადაცილებულ დღეზე უზდის დროულად გადაუხდელი თანხის 0.1 % პროცენტს.

5.6. მიმწოდებლის მიერ ამ ხელშეკრულებით გათვალისწინებული ვალდებულებების შეუსრულებლობის ან არაჯეროვნად შესრულების მიზეზით, ნავთობის გადაზიდვის პროცესის გაჩერებისათვის და შეფერხებისათვის, 'მიმწოდებელი' შემსყიდველს პირგასამტეხლოს სახით ყოველ ვადაგადაცილებულ დღეზე უზდის დაგვიანებით განხორციელებული გადაზიდვის ღირებულების 0.1 % პროცენტს.

5.7. მიმწოდებელი სრული მოცულობით აგებს პასუხს ამ ხელშეკრულების პირობების შეუსრულებლობით ან არაჯეროვანი შესრულების მიზეზით მესამე პირების მიერ შემსყიდველისათვის წამოყენებული მოთხოვნების დაკმაყოფილებაზე.

5.8. ნავთობის პირველადი დამუშავების სამსახურში და თელეთის სათაო ნაგებობაზე ავტო-ცისტერნებში ჩატვირთულ ტვირთზე, ვაზიანის რკინიგზის ჩიხში ვაგონ-ცისტერნებში ჩატვირთვის დასრულებამდე პასუხისმგებლობა ტვირთის დანაკარგზე (გარდა ბუნებრივი დანაკარგისა) ეკისრება მიმწოდებელს.

5.9. ამ ხელშეკრულების მიზნებისათვის შემსყიდველისათვის მიყენებული ზიანის შემთხვევაში ასანაზღაურებელი ნავთობის ღირებულება გამოანგარიშდება ნედლი ნავთობის ტიპების შესაბამისად ქვემოთ მოყვანილი წესის მიხედვით:

5.9.1. ნედლი ნავთობის გადაზიდვისთვის გადაზიდვის თარიღებისათვის გამოცემულ "Platts Crude Oil Marketwire"-ის "Key Benchmarks"-ის სათაურის ქვეშ გამოქვეყნებული შესაბამისი ტიპის (BRENT (Dated) / URALS (Mediterranean)) ნედლი ნავთობისთვის დღიური საშუალო ფასების საშუალო არითმეტიკულ მნიშვნელობიდან.

6. მხარეთა პასუხისმგებლობისგან გათავისუფლება

6.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

6.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

6.3. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

7. ხელშეკრულების ინსპექტირების პირობები

- 7.1. შემსყიდველს ან მის მიერ უფლებამოსილ პირს უფლება აქვს განახორციელონ მომსახურების კონტროლი და/ან შეამოწმონ, სრულად არის თუ არა გაწეული მომსახურება.
- 7.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.
- 7.3. ინსპექტირების ჯგუფის ფუნქციებია:
- 7.3.1. მომსახურების მოცულობის, ხარისხისა და ჩატარების ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;
- 7.3.2. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;
- 7.3.3. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.
- 7.4. მიმწოდებელი ვალდებულია საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.
- 7.5. ყოველი გამოვლენილი დეფექტის და/ან ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება “მიმწოდებელ”.

8. ხელშეკრულების პირობების გადასინჯვა

- 8.1. ხელშეკრულების პირობების გადასინჯვის გარემოებები რეგულირდება საქართველოს სამოქალაქო კანონმდებლობით.
- 8.2. მიმწოდებელთან დადებული ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველისთვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

9. ხელშეკრულების ძალაში შესვლა და მოქმედების ვადა

- 9.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს ვალდებულებების ამოწურვამდე;
- 9.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

10. დასკვნითი დებულებები

- 10.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.
- 10.2. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით. შეთანხმების მიუღწევლობის შემთხვევაში ყველა სადავო საკითხი წყდება საქართველოს კანონმდებლობით გათვალისწინებული წესით.
- 10.3. ხელშეკრულებაში შეტანილი ყველა ცვლილება და დამატება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.
- 10.4. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი სხვა ნაწილების ნამდვილობაზე.
- 10.5. ნებისმიერი ცვლილება/დანართი/დამატება წარმოადგენს წინამდებარე ხელშეკრულების განუყოფელ ნაწილს.

11. მხარეთა იურიდიული მისამართები და ხელმოწერები

შემსყიდველი

შპს "საქართველოს ნავთობისა და გაზის
კორპორაცია"

მის: ქ. თბილისი, კახეთის გზატკეცილი #21

ტელ/ფაქსი: 24 40 40/24 40 41

ს/კ 206237491

სს "საქართველოს ბანკი"

ბ/კ 220101502

ა/ა 145770000

დირექტორი ფინანსურ საკითხებში

ა. საკანდელიძე

მიმწოდებელი

4. აფიდავიტის საილუსტრაციო ფორმა

აფიდავიტი	
სატენდერო წინადადების დამოუკიდებელ განსაზღვრის თაობაზე	
გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:	
* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდება, რომ აფიდავიტში მოცემული ინფორმაცია არის ყალბი ან/და ცრუ;	
* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;	
* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;	
* ჩემთვის ცნობილია, რომ ტერმინი "კონკურენტი" აფიდავიტის მიზნებიდან გამომდინარე, გაულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;	
* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:	
• სატენდერო წინადადების ფასი; • სატენდერო წინადადების ფასის გამოთვლის მეთოდი, კოეფიციენტი ან ფორმულა; • სატენდერო წინადადების წარდგენა ან წარდგენისგან თავის შეკავება; • ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს; • შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;	
* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.	
☐	გვცევანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.
თანხმობა	

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.